



Elin Jones AS
Llywydd
Senedd Cymru
Bae Caerdydd
Caerdydd
CF99 1SN

E-bost - Llywydd@senedd.cymru

22 Tachwedd 2023

Annwyl Elin

Cyflwynodd Llywodraeth y DU'r Bil Cyfiawnder Troseddol i Dŷ'r Cyffredin ar 14 Tachwedd 2023.

Mae'r Bil yn cynnwys ystod eang o fesurau sy'n effeithio ar feysydd megis troseddau cyllyll, profion cyffuriau adeg arestion, ymddygiad gwrthgymdeithasol, troseddau difrifol a threfnedig, Trais yn erbyn Menywod, Cam-drin Domestig a Thrais Rhywiol, capasiti mewn carchardai a'r broses ddedfrydu. Mae hefyd yn cynnwys y ddeddfwriaeth olynol yn achos Deddf Crwydraeth 1824, a dyletswydd gonestrwydd newydd ar gyfer plismona, ymhlith pethau eraill.

Mae fy swyddogion wedi bod yn ymgysylltu â swyddogion yn y Swyddfa Gartref a'r Weinyddiaeth Gyfiawnder, sydd wedi cynnwys rhannu amlinelliad o'r mesurau y disgwylir eu cyflwyno fel rhan o'r Bil. Er hynny, ni chafodd swyddogion weld y fersiwn derfynol o'r Bil yn llawn lai na 24 awr cyn iddo gael ei gyflwyno.

Mae'r Bil yn cynnwys 17 o rannau ac mae'n 156 tudalen o hyd. O'n dadansoddiad cychwynnol, ymddengys fod y Bil yn cyffwrdd â meysydd cymhwysedd datganoledig. Er hynny, o gofi ehangder y Bil a'r diffyg cyfle i'w weld yn llawn ymlaen llaw, ni fu modd eto ystyried canlyniadau'r hyn sy'n cael ei gynnig o safbwynt datganoli yn llawn.

Rwyf yn bwriadu gosod Memorandwm Cydsyniad Deddfwriaethol ac unrhyw ddatganiadau perthnasol eraill gerbron y Senedd cyn gynted ag y bydd gennym ddarlun clir o ganlyniadau'r ddeddfwriaeth arfaethedig o safbwynt datganoli. Er hynny, mae'n debygol y bydd hyn y tu allan i'r terfyn amser arferol o bythefnos yn Rheol Sefydlog 29.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Jane.Hutt@llyw.cymru
Correspondence.Jane.Hutt@gov.wales

Rydym yn croesawu derbyn gohebiaeth yn y Gymraeg. Byddwn yn ateb gohebiaeth Gymraeg sy'n dod i law yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rwyf yn anfon copi o'r llythyr hwn at y Cwnsler Cyffredinol a Gweinidog y Cyfansoddiad, Mick Antoniw AS; y Gweinidog Materion Gwledig a Gogledd Cymru a'r Trefnydd, Lesley Griffiths AS a Chadeirydd y Pwyllgor Deddfwriaeth, Cyfiawnder a'r Cyfansoddiad, Huw Irranca-Davies AS.

A handwritten signature in black ink that reads "Jane Hutt". The signature is written in a cursive style with a long horizontal stroke above the first letter 'J'.

Jane Hutt AS/MS

Y Gweinidog Cyfiawnder Cymdeithasol
Minister for Social Justice